

畿

輔

安

瀾

志

畿輔安瀾志

薊運河卷下

隄防

薊運河隄

畿輔通志薊運河隄河源高派繁河形曲折每風
發漲溢潰決隄岸淹沒田廬而寶坻地勢最下受
害尤劇雍正四年怡賢親王奏請築隄自三河縣

之料馬莊迄於寶坻縣之江漢口長一百八十餘里又於隄內地窪西北一帶村莊雨潦停積各妨耕稼委舊令程璇相度於魯沽莊建石閘一座長亭莊建涵洞一座於張頭窩建涵洞一座潮汐流通民間得以汲飲兼資灌漑雨水過多則洩而出之 薊州志沽河東岸自汪家新莊起至婁家莊止共二萬四千一百三十六丈西岸自五里莊至大全莊止共一萬二千七十丈

謹案河隄東岸起西河套六里至澱泥店十二里
至皮家屯八里至上倉十二里至楊津莊三里至
王家淺十五里至康水莊五里至下倉六里至白
龍港十二里至少林口五里至安安莊十八里至
新安鎮十七里至小河口長一百九十里西岸起
蔡家莊八里至澱家店七里至窩頭十五里至赤
安莊五里至上倉五里至消流四里至程子口八
里至老曲莊五里至康各莊四里至白增十五里

至嘴頭十里至三岔口二十里至侯家營十二里
至橋頭十四里至李家新莊長一百三十里又自
白塢十八里至秦家莊係山水歸河之道無隄埝
乾隆十一年又築隄以捍之

澉流河隄明宣德九年築

明實錄宣宗宣德九年六月築蘄州之澉流黃蠟
錫等處隄岸

三岔口隄明萬厯間寶坻知縣丁應詔袁黃相繼修

築

柳子口隄明萬厯六年築

明甘邾學修河隄記畧萬厯五年秋大水柳子口
河西野泛流不能引注於海西南畝盡蒿蕪民不
能收一麥一粟民亦自以爲慮請各照畝出夫願
有司者董其工漕之隄新築七十五里補舊塌一
百二十五里築決口六十五所計一十四里共二
百十四里新河因地勢污下創濬之自柳子口至

嘴頭共二十五里復與漕渠會流同注於海自四月三日載事屆五月十五日止四旬日漕渠新河成豈獨民耕耨西南畝無逋租享千百世之利漕餉允永賴之然獨修固難兼修尤難分築固未易分嗣而修之尤未易遂區而析之曰州民劉忠彥等四十五戶所築隄若干丈吳守奉黃安等七百四戶新開戶若干步宋守揀李天欽等四百二十戶取領荒地若干頃畝各給以印帖此河此帖期

與西南民世世守之若堤圯河塞世世修之而其
所領地得世業焉必不使鄰者侵強者奪姦者混
守望有舍巡緝有人青甸之橋亦藉民力以成區
畫垂久百代不磨則俱在州守方冊中監司辛公
名應龍山東安邱人薊守蔣公名士南直宜興人
其他與勞委官并民工以夫赴役者例得書其名
於碑陰云

潮河隄起寶坻縣北金陵口迄縣東南江潢口長二

百餘里雍正四年築

寶坻縣令洪肇林潮河堤說畧寶坻之潮河隄匪一日矣考其形勢自縣西北金陵口抵縣東南江黃口二百餘里久爲寶坻障蔽歲時修築雖洪濤奄至以隄完可恃是以歲歲登稔民受其利雍正二年大水明年於潮河舊隄募夫修築裁灣取直加高培厚起新集料馬莊止張頭窩長一百八十又開鮑邱窩頭河二道以洩境內之水八年奉

旨開青龍灣引河自香河至寶坻之楊家場入境直於寧河之寧車沽計長九十里其長隄遙壩則周圍凡四十里許且於繡針口開支河一道至八門城止以洩瀝水自是以來東西北三面皆濱河繞以長隄外水俱不入其境內積水復有支河數道以資宣洩斥鹵之地頓成膏腴矣

以上正河隄

紫金泮隄

薊州志遼運河西岸隄埵自東迷王會至口頭莊
止長二千二百四十丈

謹案紫金泚隄四十里至小漫河二十里至蒙圈
十里至太河莊六里至迷王會六里至婁家莊十
五里至小河口長九十一里

沟河隄東岸自金水屯起接三河縣交界至三汊口
止四岸自三河縣新集起至寶抵縣寬江止

謹案沟河長隄長一萬八百二十六丈見薊州志

西岸自新集至寬江計長一百三十里名曰

欽隄雍正四年築乾隆十一年於新安鎮西添築月隄

一道長二百四十丈高一丈頂寬一丈底寬三丈
又培築大沽隄一段長五百七十丈高七尺頂寬
七尺底寬三丈灘沽隄一段長五百二十丈芝麻
窩隄一段長一千五百丈高寬丈尺並同

紅心隄

一名勝志在寶坻縣東南一百里秦始皇所築潮水

雖湧而隄不沒

工部地隄在寶坻縣東南康熙間邑人大學士杜立德脩築

還鄉河民埧起張官屯至趙官莊岔口止長五十五里高八尺至一丈五六尺頂寬八尺至一丈二三尺底寬三四丈不等

謹案雍正五年六月還鄉河隄岸冲決附近之田禾廬舍有被淹浸經怡賢親王奏報

命散秩大臣常明率同御史勒音特錢兆元前往悉心查勘

並

賜帑金二萬兩賑卹灾黎復

諭若有動用倉穀之處將本縣倉穀卽行動用 又案乾隆

十一年於豐潤縣西南還鄉沙流二河合入玉田
縣南境東岸王六庵西岸許家庵周家灣三處建
築月堤共長七百十六丈

小泉河隄在玉田縣劉家橋舊以防小泉山孟家光

砂三泉之泛漲高三四尺寬八九尺

玉田縣志三泉匯集西水一泛劉家橋一帶最爲
緊要劉家橋城南二十里

錢家溝民埝在玉田縣境溝西又疊埝以障水高二
三尺

小泉山馬家營間

玉田縣志度水灌田

藍泉水曲河頭間

玉田縣志雍正四年築度水灌田

凉水草壩在玉田縣南許家菓園廠兒莊二處乾隆
十一年建二十年查明二壩久經朽爛無庸修理

玉石塘

盤山志盧家峪一帶長十里康熙中開

蓮塘

畿輔通志在玉田縣北里許講武臺後

七里莊明口在寶坻縣西南雍正八年築以防窩頭

河之水

寶坻縣令程璇七里莊明口記畧寶坻縣居香河縣下流窩頭河水經香河七里莊入界向因河淤塞每遇水漲爲寶邑患厯有年所雍正四年

皇上興修水利命王大臣指示疏通水得順流歸海惟七里莊舊有明口一道承修者曾議堵築因香民以有捐於彼而止七年伏秋汛發水由河道下者十居三由明口漫溢寶邑者十居七縣北村莊悉被淹

沒經總督委查而香民仍執前說堵築不行八年
五月會京東局有明口亟宜堵築之請令璇司其
工六月二十一日興工越七日告成秋汛水汜遂
資捍禦寶坻縣北俱登豐稔而香河亦獲有年

黑狼口隄

寶坻縣志海濱鄉居仁里正南黑狼口者亦巨鎮
也正南三十里

魯沽莊石閘在寶坻縣雍正四年建

寶坻縣令程璇開工完竣議畧竊查承造魯沽莊
閘座前委北運河同知勘詳請改建木涵洞正在
料估隨據莊民谷守信等具呈咸稱建閘原以外
防河漲內消田澇且關係數十莊居民汲引養生
若改建木工易於沖決朽爛歲修未有底止請仍
建石工以垂永久因時屆仲夏伏汛伊邇若候文
移往返有悞民間田舍隨於本年五月初四日興
工於六月初五日告竣再查寶坻長隄自三河縣

埧頭起至魯沽莊止約計不下二百餘里隄內積水皆從魯沽莊道出口歸入大河今內外水勢相持尙未起開將來外河水退隄內衆水會歸出口隨此一開尙恐宜洩遲緩若改建涵洞更難流通是魯沽之宜建石閘而不宜涵洞明矣

長亭莊涵洞在寶坻縣雍正四年建

張窩頭涵洞在寶坻縣雍正四年建

袁公壩在寶坻城北渠河上今廢壩址猶存

謹案明邑令袁姓有二一名昂忻州人成化間任
一名黃字了凡吳江人萬歷戊子年任教諭韓初
命撰德政碑稱其知縣事之年雨多河溢市無赤
米困匱空虛至則出囊金償官黜逋賦則建壩禦
水當屬了凡惜紀載缺如也

開源節流二堰在寶坻縣城外明邑令莊釋建

明中允吳儼新修寶坻城記畧武進莊君誠之出
宰是邑於宏治庚申三月爲水關二北曰開源南

曰節流北志所入而南則志其所出也

橋渡

牛頭山橋

薊州志在州西二十五里大孫各莊西

店中橋

薊州志在州西三十里邦均店內

蓮案二橋爲薊州段家嶺所出之沙河橋西南與

平谷三河二縣接境

通濟橋

畿輔通志在薊州西五里跨沙河上 薊州志五
里鎮州西五里橋莊 明實錄 宣宗宣德三年九
月上駐蹕薊州西五里橋 明史李敏傳宏治四
年中官奏沙河橋壞請發京軍三萬五千人及長
陵五衛軍助役

謹案薊州志通濟河橋在城西五里橋東自三義
廟起西至刁子營橋止計路四里餘地勢窪下路
最難行康熙四十一年僧真修募修墊高行者甚

便西五里橋在州西五里係土木橋是明有二橋
矣與通志不合抑或後來有添建歟此橋爲陽泉
河水經流而下合薊運河

刁子營

薊州志在州西七里舊無橋康熙二十二年千像
寺僧倪和尚募建

西門城河橋

龔家橋在東門內

東門城河橋

〔薊州志〕年久圯壞康熙四十二年東七園民姚文倡義重建比舊橋高且寬行人便之

龍石橋

薊州志在東門外橋東西路最窪遇雨泥濘難行康熙四十年僧真修募修墊高兩旁各流水溝至候家窑前計二里俱成平坦大路

郭家橋在薊州南門內

南門城河橋

龍池河橋在薊州南門外

薊州志龍池河橋在州南里許橋之南北地亦窪
平遇水則橋北深三四尺行人甚苦康熙四十
一年旗人藍仲富倡義墊高

永濟橋

畿輔通志在薊州南五里沽河上爲往來要道明
天順四年建萬曆三十三年兵備道杜潛重修

明御史李敏永濟橋記
曷橋之創無可考永樂間
河徙於北而橋淤塞爲平地
正統戊午嘗併力疏
通未幾復南決因循迄今
天順庚辰守備薊州署
都指揮劉公輔請於朝發
附近軍二千人惟時提
調則工部主事夏公澄而
敏實監督之開故道塞
旁流鑿平地爲河者凡二
里八十步深三尋廣十
丈而後壘石爲橋始工於
是年二月己未落成於
三月己卯而以永濟名橋
遂書以爲記
明州人

祭酒成憲增修永濟橋記畧鎮城之南五里有沽
水爲運河河有石橋爲永平遂東孔道自天順庚
辰迄今又百有餘年橋漸傾頽水行橋南北而北
行又深廣伏秋水漲不可以舟萬厯辛丑高唐杜
公奉命勅兵於薊甲辰乙巳連歲大雨潦橋益圯
水溢北民病涉日甚公乃出俸金六百七十七
兩有奇米二百石諸官士民間風助金一千二百
五十八兩米三千石經始於萬厯甲辰五月訖工

於丙午四月自舊橋增修石橋長二十丈五尺廣二丈一尺五寸崇一丈九尺餘仍其堅若礪舊橋得新橋爲倚護增而固焉

謹案蘄州志先河北徙後乃南決今又北徙橋淤於河之南爲陸地春則搭土木橋而行夏六月必需船渡康熙四十年知州陳廷柏勸捐建造渡船二隻以濟行者蓋原係石橋後河徙橋亦淤塞今之激溜土木橋亦曰通濟特存其舊名耳

潑溜土木橋

薊州志在州南十二里係山海大路行旅不絕冬
春搭橋夏秋必需船渡康熙四十年知州事陳廷
柏勸捐度船一禁索渡錢有碑立於河東

上倉土木橋在薊州南三十里新建

板橋在州南五十里康谷莊

白龍港土木橋在薊州西南六十五里新建

以上四橋皆薊運河正支之橋

郭家橋在薊州城南三十里八溝莊西

梁家橋在薊州城南三十里八溝莊中

莫家橋在薊州城南三十里八溝莊中

雙橋在薊州城南三十里八溝莊東

段家橋在薊州城南三十二里八溝莊南

東大橋在薊州城南四十里小漫河東

西大橋在薊州南四十里小漫河中

南石橋在薊州南四十里牛圈莊南

馬龍橋在薊州南五十里馬龍港

莊前橋在薊州南五十二里蒙家園中

東土橋在薊州東南六十五里迷王會西

西板橋在薊州東南六十五里迷王會東

以上諸橋爲紫金泚水經流之橋

限渠橋在薊州西南十六里石橋莊東

普濟橋在薊州南四十五里青淀莊

二橋爲限渠河所經

亮水橋在薊州西南三十里棒莊屯南又小石橋一座

大石橋在薊州西南三十里張家店南

破石橋在薊州城西南四十五里李家庄西

石橋在薊州西南五十里毛家庄西

西板橋在薊州西南六十里馬道莊西

大板橋在薊州西南六十里侯家營

亮水橋在薊州西南六十里三岔口

以上河河西會沽河之水其橋皆在州境馬道莊
侯家營三岔口三橋俱不拆遇有殘缺民間修補
壕門橋在薊州東二十里不知建於何時今亦無所
用之

石橋在薊州城東二十五里上埝頭東

獻橋在薊州城東南二十五里獻橋莊西

窑舖橋在薊州東三十里窑舖莊東

景家橋在薊州東三十三里馬伸店西

馬仲橋在薊州東三十五里馬仲店西柵外

店東橋在薊州馬仲店東柵外

以上爲梨河東合淋河黑泉水桃花山水入薊運之所經在州境河流改徙則橋亦在平陸矣

新石橋在薊州城東南二十里二十里鋪西

西石橋在薊州城東南五十里枯樹莊西

界橋在薊州東南六十里黃土坎東

太和橋在薊州東南六十里太和莊中

廟西橋在薊州東南六十里薛官店西南

中界橋在薊州東南六十五里喬家庵西

以上諸橋皆旱橋不與諸河通

偏橋在下天成寺內

青龍橋

盤山志橫跨不受履兩山夾之若礮戶仰視峭壁
去天尺五鑿石而成上有正法禪院

投閒橋

盤山志俗名大石橋眼甲石北

生天橋

盤山志傳稱雙峰寺南無攷

仙人橋

盤山志衛公庵東南五十步有巨石數丈橫澗止

水自下出

以上五橋俱在盤山內

上倉渡船一

蕭各莊渡在薊州南二十里

二渡皆薊運河渡

洩水橋

薊輔通志在平谷縣西門外明隆慶五年知縣劉
愛建平谷縣志洩水橋隆慶五年知縣劉愛條
陳疏通六渠入於河以除淫潦之患此其一也因
通大道故建坊以表之

謹案縣志又有東門橋無名亦洩水橋也

龍家務橋在平谷縣東五里

小礮頭橋在平谷縣南五里跨逆流河上

魯家莊橋在平谷縣西十里

高家莊橋在平谷縣西十五里

解骨橋在平谷縣西北十里

太平莊橋胡家塢橋羅家莊橋楊各莊橋清渠莊橋

趙各莊橋俱在平谷縣跨沙河上

鹿渠渡在平谷縣西夏秋間以舟通渡冬則架木爲

梁無定所

東河渡在平谷縣界

以上二渡皆沙河渡

周村橋石橋莊石橋雲峯寺橋大新莊橋

行宮東西橋曹家莊橋俱在三河縣跨沙河上

中橋長十丈小橋二俱在三河縣胡家營河上

洵河石橋又名永濟橋在三河縣城南門外高一丈

六尺寬二丈長十三丈

二統志小河橋在三河縣南門洵河支流上通錯
河橋西達金雞塘境接通薊爲往來要道舊爲浮
橋以渡明正德十二年改建石橋

本朝順治七年重修 三河縣志永濟橋在南門外跨
洵河一名小河橋明正德十二年建萬曆四十六
年知縣張所蘊重修

本朝順治七年知縣孟希爵重修康熙三十二年知縣
張乃相重修乾隆十三年知縣熊繹祖重修兼築

兩頭土壩北抵城門南至南店行人賴之 明大學士楊一清三河縣新建洵河石橋記 三河縣城南百餘步有河卽古洵河也歲修浮橋以渡水溢橋輒壞僉謂必建石橋而工役浩重莫之敢舉今提督東廠御馬監張銳邑人也謀於其兄後軍都督張公明迺姪都督同知張君蘭捐白金數千兩鳩工建橋屬大同指揮趙昶董其事伐石維堅選材孔良長可三十步高五尺廣若干丈以正德

十年十月告成 順治七年邑人朱國俊重修洵
河橋記畧邑爲畿左名區山川迴合阻洵水而城
每夏秋霖雨吞吐諸壑離城咫尺至不通往來正
德間創茲橋於今百五十年砥石旣圯中空而裂
居者行者日牽車於泥淖浸淫之中蓋數十年矣
歲戊子邑侯孟公晉耆民劉承業王士奇而屬之
佐以清俸庀材協謀始於庚寅之三月迄六月凡
工以萬計貨以千計灰瓦木石之屬以倍計而後

告成

謹案洵河石橋因康熙十八年地震橋圯三十二年知縣張鼎重建有碑記云橋成慮其未可永久植柳千株築隄兩岸旁建板橋以分水勢當日經營圖度如是此河爲洵河洧河之下尾乃其正流一統志以爲洵河支流蓋仍畿輔通志之文也

錯河橋在三河縣東南舊石橋後圯架木爲之夏折冬建

明實錄宣宗宣德三年七月順天府三河縣奏本
縣錯橋東通遼海西達京師本年五月霖雨山水
暴漲壞橋甃石皆缺驛使往來不便乞撥軍夫工
匠於華山石厰取石修砌從之八月丁未車駕發
京師戊申駐蹕三河縣東之草橋 長安客話錯
橋在縣東五里之七渡河 二統志錯橋一名草
橋

蔡管營小石橋

謹案三河縣志跨洵河上非也此是鮑邱河之分
支上已斷流其水下歸洵河俗謂之七渡河又名
黃頒水者也

顧現莊小石橋在三河縣跨顧現河上

烈虎橋在三河縣樊各莊北石渠水面跨山澗水

不老淀小石橋在三河縣跨南港又胡家橋跨月池

溝楊家橋黃土莊二小石橋雙村小石橋新店東石

橋三官廟小石橋南店南口小石橋河東興隆店石

橋石碑西小石橋石碑東大小二石橋渠頭大石橋
黃莊鎮小石橋俱跨溝

賈家莊小石橋跨鮑邱河上梢夏店西小石橋跨麻
兒窩溝夏店東小石橋跨鮑邱河南馬房小石橋白
家莊二小石橋薄各莊小石橋大府莊小石橋韶道
庵小石橋神靈莊小石橋俱鮑邱河下梢

諸橋並見
三河縣志

今多不
可考

錯河渡

三河縣志城東五里錯河之官渡在焉康熙年額設船四隻船戶十六名每名月米三斗

謹案今錯河渡有船四隻夫十六各

歲支工食銀七十四兩八

錢八分

清水橋在遵化

方輿紀要明建文三年遼東兵圍遵化燕兵敗之於清水寺橋橋蓋在清水河上

五里橋在遵化州西三里明萬厯中建

王哥莊橋在遵化州東南四十里明萬厯中建

梨河橋

畿輔通志在遵化州南六十里元中統時建今河
漸北徙橋亦圯

謹案此橋在梨河上流清水河五里合流注於沽
河而入薊運河其下卽薊州東界矣

還鄉橋

畿輔通志在豐潤縣還鄉河上自昔高麗遼東往

來要路也 二統志還鄉河在豐潤縣西每山水
暴漲洶湧噴激不可爲橋秋冬水涸束草架木以
濟春夏以舟渡 豐潤縣志思鄉橋在縣城西關
外還鄉河上

姑嫂橋

畿輔通志在豐潤縣西四十里

遇仙橋

豐潤縣志在城南天宮寺東北隅

安樂橋在豐潤縣西十里

在豐潤縣西二十里

在豐潤縣西南三十里

以上四橋皆在村落中非大河經流

左家務渡在豐潤縣北舊有今廢

城西渡在豐潤縣城西有渡船一還鄉河渡也

雅鴻橋

明實錄洪武六年傅友德鎮北平歲旱䟽五事一

永平府民接運軍儲由鴉鴻橋至北平道里頗遠
宜通清河涑水故道漕運則用力少而成功多矣
廣濟橋

畿輔通志在玉田縣東南五十里草橋屯

永濟橋

玉田縣志城東南四十里草橋屯邑人王詔修

窩洛沽板橋在玉田縣西南還鄉河上長八丈高一
丈寬一丈五尺

雙橋

方輿紀要在玉田縣東四十里通道所經

謹案畿輔通志作二十里雙城河上玉田縣志作

二十五里

亮水橋

二統志在玉田縣東三十里兩家店之東雙城河
下流兩岸陡削中多淤泥舊建木橋以渡

本朝順治年間改建石橋

高邱石橋在玉田縣東南三十里李官屯南雙城河
上長四丈高一丈寬一丈五尺

通順橋

畿輔通志在玉田縣東五里卞家莊窩

謹案橋西北有水流逕其下入小泉河卽大泉山
水下流今已淤壅

東城橋在玉田縣東門外高九尺寬一丈長四丈又
有西城南城二橋皆孟家光砂二泉水所通流也

玉田縣志東城橋邑人張祐修西城橋鄉官李充
實修南城橋鄉官張汝孝修

東五里橋

玉田縣志明天順七年知縣喬瑾修

本朝乾隆十一年龍池庵僧際育募修

南五里橋

玉田縣志金明昌五年建

洪橋在玉田縣東南二十里小泉河上長五丈高一

丈二尺寬一丈

以上諸橋並在小泉河上

采亭橋在玉田縣西長五丈高九尺寬一丈

〔名勝志〕橋在縣西二十里金學士楊繪建繪邑人

采亭其別號也 元邑人李琮采亭橋記畧采亭

楊先生仕金爲學士歸老卜築於唐水之涯構椽
而居焉公一生好義力行善凡便於人者毅然爲
之無難色也去村舍之南二百步爲西連幽都東

通遼海之孔道行人往來如織而唐水之順流而南注也行者咸病涉焉公思所以利濟之不謀於衆獨任於身輦石於北山之麓幾閭日而橋以成長數丈廣容並軌極堅好可久遠鄉人重公之義請以公之字名橋公弗獲辭遂名橋曰采亭

謹案采亭橋爲藍水所經水出三樂臺山一名藍山上源不與庚水相通其下流乃同注於沽河沽卽古庚水也記以藍泉水爲庚水誤又以庚爲楸

更誤

牯牛橋在曲河頭長五丈高一丈寬一丈五尺

玉山縣志曲河頭城西二十三里

以上二橋爲藍泉水所經

蕭家土橋城北十六里彭家橋城北三里黃家土橋

楊家土橋張家土橋俱城西二十里師婆橋城南十

八里乾石橋郭家橋俱城南二十里劉家橋城南二

十一里丁家橋城南二十五里李家橋城南二十六

里戴家橋李家橋俱城南三十里于家橋城南三
七里板橋城南四十里

諸橋俱見玉田縣志並不通大河

鴉鴻橋渡船一

長亭莊渡船一

石臼窩渡船一

託床沽渡船一

窩洛沽渡船一在玉田縣北十五里

以上俱還鄉河渡

拱極橋在香河縣北門外

百家灣橋在香河縣今圯

「匯案」百家灣之東今有青龍安瀾雙惠三橋縣志
俱不載蓋新建也

駱駝灣橋在香河縣今圯

豐臺鎮橋在寶坻縣西南還鄉河上長五丈二尺高
一丈四尺寬一丈二尺

寶坻縣志 豐臺橋在縣西南一百里東屬鹽潤西

屬寶

溝頭莊橋在寶坻縣西三十里

齊河務橋在寶坻縣北五里

高八幫橋在寶坻縣東八里

陽家口橋在寶坻縣東十五里

王補莊橋在寶坻縣東南二十五里與窩頭河合流

以上諸橋在鮑邱河上俱見縣志

彪陷店橋在寶坻縣西二十里

朱家鋪橋在寶坻縣西十五里

黑豆窩楊家橋在寶坻縣西南八里

武曲橋在儒學東北乾隆七年重修

文明橋在儒學東南久廢乾隆七年重修

階升橋在泮池東渠水入泮路也

漱澗橋在泮池東渠水由泮池出繞雲津之路或云

卽昇仙橋也舊廢失名知縣洪肇楙重修兼易今名

雲津橋在泮池南向係小橋乾隆七年易以礮石
拱都雙橋在文昌閣前邑紳王洵等新開拱都蓮池
建橋兩座於其上

通津橋在南水關舊爲木橋乾隆七年易以石

以上窩頭河穿城而出所經之橋並見縣志

海濱橋在東門外廣川橋在南門外望都橋在西門
外渠陽橋又平雙橋俱在北門外俱明宏治間知縣
莊釋建

以上五橋皆建窩頭河上水繞城四周爲濠並見
縣志

西石橋在縣南五里

李各莊橋在縣東南十八里

口東莊橋在縣東南二十里

張各莊橋在縣東南二十里

張司馬橋在縣東南二十五里

下王各莊橋在縣東南三十里與鮑邱河合流

周家莊橋在縣東南五十里

以上皆寶坻縣窩頭河所經並見縣志

茶棚庵橋在縣西南三十五里河塞橋廢

口下哨橋在縣西南四十里河塞橋圯

牛家排橋在縣南四十里舊有新馬頭楊馬頭二渡
今故河湮塞久廢

苑紅橋在縣南六十里雍正三年始開小支河自苑
紅橋東二十里至八門城有渡與鮑邱窩頭合流入

海

以上四橋爲抽針河卽續針河所經並見縣志

寶家橋在縣西十五里

朝霞橋在縣西八里

韓家橋在縣東南一里許

何家營橋在縣西北二十五里

大吳橋在縣東北十三里

以上五橋爲古渠河所經並見縣志今河已改流

卽抽針支河也橋亦無用

小月河橋界寧河之大月河在寶坻縣東八十六里
豆家橋縣正西十里安家橋縣正南八里韓家橋縣
東南半里馬家橋縣東南一里南小橋縣東南四十
里

以上諸橋俱在平地並見縣志

新集渠渡在寶坻縣西北四十里設渡船一舊在黃
甫營今移新集

三岔口渡在寶坻縣北十里

白龍港渡在寶坻縣東二十里設渡船一

明寶坻縣令莊禪濟渡記畧寶坻封疆無高山之險然有川有河以爲之限若潮河經其東三岔緯其北渠水繞西而絡其南白龍自薊州而達於天津橋頭由夏店而合於三岔所稱四水滌洄是也如海潮汴於梁城潞河限乎通州或河勢奔騰或浚源湍急對岸千里奸宄乘時射利民不堪其需

索而風濤沒溺之患徃徃不免爰因公材益以利募改舶爲舫者一十艘僉民執事者二十輩復其徭役禁其科取始於宏治辛酉十月迄于戊五月告成焉

北潭渡在寶坻縣東三十里設渡船一舊有渡在三岔口明萬厯中知縣丁應詔堵塞之移渡於此

新安鎮渡在寶坻縣東四十里設渡船一

林亭口渡今廢

畿輔通志林亭口渡在寶坻縣東南四十五里

寶坻縣志下王各莊橋又十里爲林亭渡明有渡船一今廢

八門城渡在寶坻縣東八十里

張頭窩渡在寶坻縣東南八十里渡船一

梁城渡在寧河縣南一里

東窩渡在寧河縣

寧河縣令洪肇楸修北門橋東窩渡記畧邑無城

郭惟西有橋雍正己未季冬余署寶篆因公至寧
取道橋上竊怪其迂迴蜿蜒而故爲周折也詢之
則曰南橋也曩仍有北橋則通寶坻豐潤玉田薊
州遵化三河通州直抵京城南北則通灤州永平
爲寧孔道又由橋東去四里許爲東窩莊有古渡
東則通豐潤灤州昌黎樂亭西則通天津河間爲
寧要津舟梁圯壞人咨病涉不計年矣而此橋僅
存耳未幾余調署茲土則見北橋古渡舊址宛然

捐薄俸爲士民先是聞風踴躍辛酉仲春遂鳩工度匠三月而兩工告成

江潢口渡船一

蘆臺渡

畿輔通志在寧河縣東南二十里 寧河縣令謝洪恩蘆臺渡跨江跳板記畧寧邑蘆臺爲薊之運河所經水濶數十丈設舟以渡至冬月則行人率由冰上渡河長冰滑時有顛仆之苦洪恩心甚憫

之因思造舟爲梁繁重不可以行而束版以載權
宜或可以濟時廣臺巡檢葛立經來謁因與熟計
之令董其事周河面量之自南岸至北岸廣四十
五丈六尺乃構巨材緯而爲跳板者三十二釘以
鐵環絡以麻緯亘河面若浮梁然閱三日而成行
旅之趨若衢途矣今年春月冰泮葛君請撤板而
用舟因語之曰是既有成效矣子其計每一板之
短長厚薄廣狹而誌之計板若干鐵環若干麻緯

若干悉載之爲兩冊一存邑中一與板俱貯蘆臺
巡檢所每歲孟冬施之仲春撤之有朽蠹則以聞
於縣而註於冊隨時繕補板索之費得需白金十
兩於公項支用遇大修之年則酌量歲修所餘爲
之有不足則邑宰捐資任之公私不得假用恐輟
轉廢置漸以妨民也所望後之來是邦者

北塘口渡船一

以上蘆運河渡

修治

明邊餉

明實錄英宗天順二年十二月先是直隸大河衛百戶閔恭奏南京並直隸各衛歲運薊州等衛倉糧三十萬石駕船三百五十隻用旗軍六千三百人越大海七十餘里實非漕運之便臣見新開沽河北望薊州正與水套沽河相對只有四十餘里河徑水深堪行舟楫但其間十里之地阻隔若挑

通之由此僨運則海濤之患可免事下工部請移
文守薊州總兵巡按直隸御史勘其利害至是都
督僉事宗勝監察御史李敏皆報恭言善其河應
挑開五丈深一丈五尺於附近天津永平薊州寶
坻等衛府州縣發一萬人夫委官督領俟明年春
和農暇之日興一從之憲宗成化二年四月浚薊
州等處新開沽河八年二月鎮守永平山海總兵
官東寧伯焦壽言薊州新開沽河淤塞一千二百

丈欲行巡按御史親詣勘視酌量暫濟漕候明年三月以後并工疏浚從之武宗正德五年六月罷濬沽河之役先是巡撫都御史劉聰建議開濬自沽河抵鷗鴻橋以便輸運至是工部言其非便罷之十六年九月工部覆遮洋運糧指揮王瓚奏直沽東北新河請勅管河郎中及天津兵備副使親督所司濬使深廣以通歲漕從之世宗嘉靖元年正月命工部主事江珊等督理新河工程先是海

口淤塞漕船從天津出海復折入梁河而達薊州
道遠水滯舟數爲敗議者謂直沽東北岸有二道
一曰新開一曰水套北接梁河逕四十里可以疏
濬成河改由北道無涉海之患謂之新河歲久湮
塞漕臣以爲言工部覆議於治河郎中之外別委
清廉主事一員會同督濬疏珊名以請從之三年
春正月把總運糧指揮使劉翽乞挑濬海口新河
以便漕運工部議覆從之十七年二月覆巡撫順

天都御史黨以平奏薊州運河自激溜莊大口至
舊倉店淤淺一百十六里請發椿銀六百四十兩
糧米五萬石及時疏濬詔可四十五年十月詔濬
豐潤縣環香河轉運太平等寨軍餉從順天巡按
御史鮑承蔭奏也河濬自成化間設豐盈倉於該
縣舟運粟十餘萬石貯之以便東路官軍支給河
道湮廢舟楫不通其太平寨一路主客兵餉俱赴
薊州關領喜峯三屯等處遠者至四五百里公私

俱稱不便承蔭乃查復舊河運道仍於北徐張官屯鴉鴻橋設三閘以瀦水云神宗萬歷元年八月工部奏明年春照例挑浚天津衛海口新河恐礙漕運艘也會計錄自小直沽口至薊州四十里避直沽渡海之險春明夢餘錄薊州河運薊州軍餉也明初開遮洋船從直沽出海轉輸薊州時有漂沒天順二年開直沽河焉唐神龍中於漁陽開斗鹵渠傍海穿漕以避海難此蓋唐蹟也永

平府志成化十七年管糧郎中鄭廉奏言豐潤還鄉河可通漕三十七年巡視郎中唐順之條陳薊鎮事宜一欵遼東海運一通則薊鎮已包在內永平故運之復實惟其時但薊鎮之人素不習海一遇蹉跌遂爲懲創請以厚值募東南海濱之人與直沽久慣海商造爲海船人慣船牢自然利涉又薊鎮東西無處不有巨川上通關塞下流通海而未嘗有一葉之舟問之土人則曰淺灘峻石怒水

暴漲蓋臣嘗與閩浙人行舟石罅中屈曲無礙或
柁舟碎石之上亦不畏淺也至於水之漲緩有時
水漲停運水緩通漕亦何不可前人未暇經理者
特以地在窮荒不欲費力於無窮非果不可行之
故也

謹案薊運河自漢建安十一年魏武開泉州渠以
後遂習用之然當元魏時已廢棄不行故酈道元
云今無水至唐姜師度始開平鹵渠於薊州之南

遼人因其成績以通漕運故薊州志以紫金泝水
爲遼運河也其河道與魏武所開微有別魏武所
開導洶絕庚師度所修惟洶水一支展拓於西而
不復東也故永平府志云魏武故迹水經注新河
故瀆謂之鹽關口與洶河俱導以通河海東北絕
庚水今稱還鄉河此語誤辨見本河下又東北出逕右北平
絕洶渠今薊州運河也師度所修者洶而不及庚
新河故瀆久廢無存矣五代史趙德鈞傳長興十

年城三河以戍之以通薊州運路自唐中宗神龍
二年至後唐明宗長興十年歷二百二十八年未
之有異也石晉天福初以薊賂遼其間相距年載
不遠此河不應淤塞可知然遼史不誌河渠無他
載籍金時惟用海運河渠志明昌三年四月中書
省奏遼東北京路米粟素饒宜航海以達山東昨
以接視東京近海之地自大務清口并咸平銅善
館皆可置倉貯粟以通漕運則僅言遼而不及薊

元有天下講求水利甚悉河渠志亦詳書之而獨不及薊運惟永平府志云元會通河初開岸狹水淺不能負重歲不過數十萬石故終元之世海運不能爲其並海通河者自三岔河有三道一出直沽經白河至通州一由娘娘宮經糧河至薊州一由蘆臺經黑洋河蠶沙口清河至灤州是灤之漕岔河東道若善導之自遼西右北平無不可通者考宣寧志奉聖劉雄任灤潮二河運糧萬戶潮且

運矣況於灤乎中統間因陸運之費乃從姚賓言
勢不可遂止而併以漕者廢之惟資造船之役焉
是當日一曾用之而旋廢矣明初會通河成罷東
南海運而薊州運餉遮洋海運如初至天順二年
開新河以通薊迨其末造又廢

本朝康熙二十四年開濬本河五十四年又開新引河
至今通利無阻避風濤之險省民力之勞故言修
治此河者斷以天順二年爲始

本朝

陵糈

薊州志康熙元年建

孝陵於遵化州之西守

陵滿漢兵糧及太監官員俸米薊遵二州遞年輸供約用三萬餘石三十四年三月

上諭內大臣郎垣等往畿東一帶查看河路 又康熙三十

四年運送米石設嚮道章京一員同戶工二部各

一員前赴會勘是年運道自新河口挑濬淤淺至北塘河輓運先經具奏嗣奉

旨著諾命遜舒楊柱去三月初六日奏稱查得自天津起至

新河口止水路有一百六十里零新河口至北塘止舊河基三十里除將現存舊河基丈量二千六百丈外中間一段被土淤斷比平地高二三尺不等自舊河以北照地勢之窪處挑挖丈量長二千九百二十丈此河挑口寬三丈底寬一丈五尺深

一丈計用夫一十四萬四千一百一十二工半每
工給銀四分共需銀五千七百六十四兩零又自
北塘起至下倉止並無淤淺三十五處丈量共一
千三百二十五丈用夫八千九十八工每工給銀
四分共需銀三百三十一兩零如將新河以上挑
濬下倉以下淤淺處挑通則裝米一百石之船自
天津直抵薊州前五里橋可查自天津河由海運
米以由海之海角船載米候風繞海進北塘河口

竟可至新安鎮自新安鎮以上河路海角船難以行走以載米一百石之船剝運可至五里橋秦

育者卽行挑挖

謹案新河口至北塘舊挑河口三丈底一丈五尺
嗣展寬口面四丈底二丈是年三月十四日天津
道朱士傑派寶坻玉田遵化豐潤滄州武清永清
任邱天津衛九處管挑新河本州於四月初六日
動土僱夫挑挖奈此河純係流沙急流亂滾纔得

挖深沙卽流入淤墊於前段再挖後段之沙又流而止知州張朝琮請工完之日自下倉起至五里橋止計河面里數築壩三層使上流水勢少爲遏抑則頃刻之間水必泛溢而中留大口使米船出入流通一無窪礙乃於下倉埧頭上窩頭三處設土壩究無成效而米船已至乃幫拉而上次年候水發而至

明天順二年運大河等衛糧船三百六十餘艘至紀家窩交收相傳衛境河內

淺處各船自備有椿木蓆片遇淺卽下椿貼蓆於椿逼水不流登時泛溢船卽前進自下倉至紀家

爲止用三壩此法
甚善惜不能行也

京東水利工程

畿輔通志還鄉河源非甚鉅但近北山而下夏秋
雨集諸山水潦一時併注而鴉鴻橋以下河窄流
紆不能驟洩則溢出爲田疇害東決則淹豐潤西
決則淹玉田雍正四年怡賢親王奏於劉欽莊王
水匠莊河流甚曲之處各開直河一道與舊河兩
處分洩沿河隄岸遂加修築其像子莊牛兒頭一

帶出口河身亦濬疏寬深沿河沮洳之場皆成膏壤矣 雍正四年怡賢親王京東水利奏畧運河之東則香河其下爲寶坻沿河隄岸屢爲二邑之災應飭河官及時修築高厚并於牛牧屯以上斜築長堤一道以障上流之東溢則香河寶坻無運河之患矣再通州烟郊以南之水皆滙於窩頭分爲二股一股南入運河一股東流經香河縣之吳村滙於百家灣入七里屯達於寶坻查七里屯以

上大半淤塞地皆沙鹵難於開鑿若將南流一股
疏通深暢則窩頭經流歸於運河分入香河之吳
村者無多稍加濬築則亦可免冲溢矣又夏店之
箭桿河經香河東北入寶坻之溝頭河漫流入淀
應從溝頭疏濬導流於寶坻城南會七里屯之水
東入八門城達於大河庶水有攸歸不致漫溢爲
害且潮水自八門城逆流入河於豐田亦有利焉
寶坻之西北接壤薊州薊州運河自三臺營會諸

山之水東南至寶邑會白龍港又南經玉田豐潤
合漙水達於海河身深闊源遠流長所謂棄之則
害用之則利者也臣等愚見請先築河隄務須高
厚永保無虞然後於下倉以南建石橋一座橋空
下開壅水而升注之於兩岸以資灌溉多開溝洫
自近而遠縱橫貫注用之不乏矣漙水又名還鄉
河發源遷安之泉莊噴薄洶湧懸壁而下旣入平
河則委折蛇行土人有三彎九曲之稱自康熙四

平血年洪運河頭奪流而西至雍正元年始塞決
口挑引舊河然河道狹而隄堰卑東決則淹豐潤
西決則淹玉田三邑士民請展狹爲廣改曲爲直
其說近是然以建瓴之勢奔放直瀉恐水流益盛
冲潰之患似應酌量於其曲之處如劉欽莊千米
匠莊各開直河一道其舊流亦無令壅塞俾得兩
處分洩隄堰之偏近河身者拓而廣之更加高厚
可無冲決之患至沿河一帶建閘開渠數十里內

無非沃壤土人動言漚水湍急爲患不知敗稼之
洪濤卽此長稼之膏澤凡潰而爲害者皆分而爲
利者也現在近河居民引流種菜千畦百隴在在
皆然曾未見利於圃而不利於農者也玉田本屬
稻鄉藍泉河出藍山西南流入薊運夾河潴水爲
湖伏秋山水暴發河與湖平一望迷漫應將河身
疏通深廣東以隄防西北另開小河一道引小澗
汗漫之水入河下流使河無泛溢而湖得安瀾仍

於曲河頭建閘開溝引水達東湖而南湖內外田
地均沾灌溉仍於湖心最下之處圩爲水櫃以濟
泉水之不足其利可以萬全又泉河發源小泉山
東流會孟家泉暖泉達於薊連河現在引流種稻
所當搜滌泉原多方宣播以廣水利者也豐潤資
山帶水湧地成泉疏流得河隨地而足如城東之
天宮寺半鹿山鐵城坎以及沿河沮洳之處或疏
泉或引河可種地稻數百畝多至千餘畝而止惟

縣南接連大泊一帶平疇萬頃膏土滋潤內有生
家河汊河龍堂灣泥河共四道皆混混原泉春夏
不涸王家河汊河流入大泊龍堂灣泥河西入蘄
運河而田疇不治勺水之利爲可惜也應請條其
源疏其流壩以壅之隄以蓄之東北引河爲大渠
橫貫四河而中間多開溝洫澇則田水達於溝溝
達於渠會於河河歸於大泊灤州之北爲遷安黃
山之麓一泓湛然自泉莊至新集五六里兩岸地

與水播之可種稻田百餘頃且可分還鄉河上流
之勢雍正五年各工告竣情形奏畧寶坻爲衆
澇所歸通州之窩頭河夏店之箭桿河爲害尤劇
今俱已疏導分流各依縣治南北而會於入門城
達於薊運河積漲全消汴蔡可藉還鄉河源峻流
紆屢年決決今已於劉欽王木匠等莊最曲之處
各開直河俾與舊流分洩而沿河隄岸展開築壩
從此無冲潰矣 乾隆十一年協辦大學士劉於

義直隸總督那蘇圖總河高斌二次水利工程奏
畧一還鄉河宜修隄濬河裁彎取直建設滾壩以
免豐潤兩邑之水患也查還鄉河由遷安經豐潤
城北至玉田縣之張官屯一百六十里河勢寬深
向無水患其下流張官屯以下兩岸隄埝多有卑
薄殘缺之處每遇伏秋水發勢不能收束乾隆八
九等年間有溢漫之患經玉田縣於水利案內議
請於東岸建滾水壩挑挖引河以減漲水今查自

張家屯起至趙官莊止兩岸隄長一萬九千二百
三十五丈卑薄殘缺之處甚多議自張官屯至鴻
鴻橋以上河勢稍寬就其地形高下加頂寬六尺
至八尺底寬二丈至三丈高四尺至六尺不等鴉
鴻橋以下至趙官莊最關緊要加頂寬一丈底寬
三丈高五六七尺不等一律修築平整其兩岸許
家橋周家灣東岸王六庵等處河身窄狹水勢掃
灣應各加展月隄一道以避險冲至宜洩河流全

在下口通暢今下游分流之西股河尚未過狹惟
東股河自趙官莊至豐臺以南二段長二千五百
六十七丈河身僅寬三五丈不等不抵上游之半
應將東股河狹隘之處加開寬闊口寬八丈底寬
三丈五尺深五六尺不等俾水勢不致阻扼而尾
閘得以暢流至中間客家營至高家寺地不足三
里而河有八曲蜿蜒之勢最阻河流應照雍正四
年怡賢親王於劉欽莊王木匠莊二處改開直河

之例將客家營至沈家莊又自沈家莊高家寺河
曲之處裁灣取直改開一段挑口寬八丈底寬三
丈深九尺五寸以暢河流則隄防旣固而河勢亦
通順矣但恐上游山水陡發水時盛漲宜洩不及
亦不可不慮應於窩洛沽迤上西岸築閘地方窩
洛沽迤下西岸廠兒莊各建三和土滾水車壩中
座金門各寬十丈遇七分以上之水減下有餘以
資宣洩滾下之水開引河二道導入舊有之雙城

河渠達於兩股河以爲歸宿其地方官所議東岸
建壩挑河地勢不順甚屬非宜此內展寬月隄挑
河建壩等工應請照例動帑其增培兩岸隄埝則
用民力但土方甚多一時並舉民力不敷請照以
工代賑之例每土一方連夯礮給飯食銀七分九
釐再查雙城河乃玉邑西鄉宣洩瀝水之路其中
有淺隘淤阻之處應請該縣照例勸用民力修濬
通順其壩下引河匯入雙城河約長三千五百六

十餘丈土方較多亦請照以工代賑之例每土一方給飯食銀三分九釐以上修築隄壩開河共約估銀二萬一千三百九十餘兩此外豐潤縣有黑龍潭泥河小河二道皆宜洩豐邑西鄉漚水之路其河多有年久淤塞淺阻之處又寧河縣有王寶莊張鳳莊任千戶莊于家莊東淮沽大月河溝渠六道水滂可以宣洩歸河水小亦可以通漕濟民亦由年久多就湮廢河渠旣小疏濬亦易爲力應

令各該縣於農隙之時勸用民力修理一寶坻境內蘆運西隄并抽針舊河宜分別修築以利運道民生也查蘆運一河最關緊要其東隄在薊州玉田境內者向係勸用民力修理仍令照例修補外惟西隄在寶坻境內者計長一百五十三里向係官隄動帑修理今查此內芝麻窩卑矮一段長一千五百丈大沽殘缺一段長五百七十丈灘沽殘缺一段長五百二十丈又新安鎮西有溜通隄根

埽灣四段均須加展月隄接連包護應將卑矮二
段估頂寬七尺底寬三丈加高一尺五寸與上下
舊隄均高六尺一例相平其殘缺二段估頂寬七
尺底寬三丈高七尺夯礮堅實脩補整齊其埽灣
險要四段相連應加築月隄一道頂寬一丈底寬
三丈高一丈長二百四十丈以總護於埽灣四處
之外可防汕刷入裏之患約估土方夯礮計需銀
一千七百七十餘兩再查寶坻境內舊有支河三

道一爲鮑邱河一爲窩頭河一爲抽針河前該縣
詳請鮑邱窩頭二河亟宜疏濬深通其抽針河口
尚屬可緩今逐加履勘鮑邱窩頭二河歷年冬春
來源乾涸惟至夏秋則山水漲發今查現在崖岸
寬濶河身通暢遇山水漲發之時足資宣洩雖其
中泓間有梗界水過之後轉可藉以存蓄淺流不
致乾涸以濟附近村民之用無庸興挑糜費至抽
針口河爲寶坻西南一帶瀝水宣洩之路現在淤

塞淺隘如遇水大之年不足以資宣洩而該地鄉村泉深井少取水維艱抽針河平時乾涸斷流居民苦難得飲正宜酌加挑濬深通外接潮水入抽針以資利用查抽針口河長一萬六千二百三十丈應估挑口寬三丈底寬一丈土深七尺以下節次收洩挑濬至三尺不等實於地方民生均有裨益約估需銀八千六百二十餘兩以上築隄挑河共估銀一萬兩零

嘉慶廿二年署總督溫承惠

請挑黑龍河及泥河尾閘並酌定每歲疏浚奏畧
豐潤玉田交界有黑龍河一道自東北斜趨西南
下注臥龍橋山還鄉河入海自攔道沽迤西又有
洩水沽六處亦入還鄉河歸海該河東岸有東西
橫埝一道西岸有南北疊道一道因河身自鄭家
莊西淮沽直至臥龍橋分水處逐段淤塞旁溢爲
患隄東之民欲扣土埝放水以資宣洩隄西之民
欲借疊道橫埝以作保障各執一詞康熙雍正年

間歷次許控嗣經酌定春耕之時卽行堵閉秋收
之後方准開放迨乾隆二十八年及五十六年以
工代賑及嘉慶九年該州審斷挑挖黑龍河均僅
間段疏濬未能一律通順仍有旁溢之患欲籌一
勞永逸之計必須將黑龍河及泥河尾間淤淺處
所分別挑挖俾寬深足以容納方爲妥善其橫埝
叠迫照舊存留無許復行開挖加高至另開引河
不惟有礙田廬且此後田鳳等村必永受水患以

鄰爲壑斷不可行查豐潤玉田二縣黑龍河間段
淤淺旁溢爲害屢次以工代賑均未一律挑挖卽
將橫埝疊道定爲春堵秋開仍屬此涸彼淹未能
盡善是以訐控不休自應按形勢設法疏浚以除
水患而杜訟端現據該委員等勘估請自鄭家莊
起至臥龍橋河口止又泥河尾閘自西沽南石橋
起至還鄉河止分段挑挖共估土八萬三千四百
七十六方零照例價每方七分共估銀五千七百

北十三兩零惟此項工程向係民修但本年該二縣三麥歉收民力未免拮据籲懇奏請借

帑興修分年攤征完款經此番挑挖之後必得每歲酌量疏浚以免續淤方能經久查鄭家莊至攔道沽又自西淮沽至臥龍橋均係豐潤地方應令豐潤沿河村民挑浚其自攔道沽至西淮沽止河東係豐潤所轄河西係玉田管轄亦應按照豐潤率例令沿河村民公同挑浚各民人俱踴躍樂從臣等

龍橋向有闌板以防還鄉河倒漾之水現在尚屬
整齊如有糟朽令豐潤縣修整統於每年農隙時
責成該縣等會同查勘出示曉諭務使沿河村民
各按地畝挑挖深通俟工竣報明遵化州轉稟通
承道卽責成該道前往覆驗具報查核其柵埝疊
道相沿已久應聽存留毋許偷扒亦不准培高並
該地方官查開丈尺立案以免滋訟

官司

營田觀察使一員雍正四年設今裁

豐潤縣志營田觀察使署在城南街中改漢陽書院北改都司署南改城守把總署

薊州州判一員

寶坻縣主簿一員

玉田縣縣丞一員

豐潤縣主簿一員

大清會典分隸各州管轄河官

附 淺夫明時召募

本朝裁

永平府志嘉靖初定額夫八千名二年一次令工
部官一員會同巡按御史及天津兵備道督工挑
濬 薊州志康熙三十六年六月知州張朝琮詳
請薊州運糧河道自城南五里橋起由上倉下倉
至嘴頭莊止計九十七里三分自嘴頭莊迤東至

新安鎮南口頭交界止計長五十三里八分八釐
折半計算薊寶各該二十六里九分四釐合計薊
州共運河一百二十四里二分四釐此河悉係流
沙凝滑如脂每年淺阻挑挖隨淤百計設法疏排
工加數倍始可繹船利行無滯查通州一帶運河
皆有額設淺夫挑濬今薊州運糧河道請照通州
運河之例題請額設淺夫以便隨時挑濬十二月
戶部咨覆事隸工部毋庸議查得新河起至薊州

五里橋止一帶河道各有疆界專司修理下倉以
北係薊州疆界下倉以南係寶坻疆界寶坻新河
離薊五百餘里內豐玉一帶河道並無淺阻薊州
乃獨任其事康熙三十四年甫開河道之時案界
分管已有成例惟是薊河自下倉起至五里橋止
綿長七八十里北高南低枕山而下五月以前水
不盈尺故侍衛覺羅那爾孫等同戶工二部查看
河道之時遇水深處僅可行百石之船將淺處逐

段挑挖一百石之紅剥船方可行走無奈淺阻最多兼係溜沙隨挖隨淤三十八年閏七月工部爲新河關係

陵糶事議覆略疏新河不時沙淤急需挑挖薊州應設淺夫二百名寶坻縣應設淺夫三百六十名以資挑濬疏通庶每歲挽運不致有淺阻之虞查北河道水長之時無不可以運送應行該撫於水漲之時運糧可也八月初六日奉

旨依議自後三十九年遇水發船至並不費力迨四十年河
內不發水徐州幫船直至七月纔到竟不能行船
泊梁家埧頭莊三州縣往梁家埧頭莊收米用車
運米至倉除五里橋至倉之價仍係三州縣給發
謹案乾隆三十年奏准薊運

陵糴粟米改支折色薊運漕船停止每年挑河築壩動支北
運河歲修銀兩亦卽停止矣

祠廟

龍王廟

鄆州志在南門外先經州守董公廷恩重修後又
圮

龍泉寺

鄆州志一在州東之十里川方峪一在州東北五
十里黃花山下

龍泉庵

薊州志一在州北四十里王家莊一在州東南

海潮庵

薊州志在州東五里三道港

聖泉庵

薊州志在盤山後昔爲羅總兵佔作別墅今名羅

家城

張大明王廟

畿輔通志在薊州治東北卽滕備倉舊址廟祀河

神康熙三十四年知州張朝宗建 創建張大明
王廟記畧漁陽向無張神祠有之自余作牧始也
神諱夏東浙人世居蕭山宋景祐中爲工部郎中
受命護隄兩浙賴以安遂立祠報饗自宋迄明屢
顯神功累受封號通河大都靡不感仰漁陽三面
環山北接遼河南通大海歲乙亥

聖天子軫念民瘼特開沽河運糧艘由津門直達薊郡余私
祝神力以保護之循海由河風恬浪息厥功偉哉

且薊南地處窪下時逢夏秋霖雨河流汎濫隄岸
無虞非神之力不至此故立祠以祀之

龍王廟

平谷縣志在縣南寺渠莊

龍泉寺

平谷縣志一在盤龍山西至縣三十里元至正四
年建明嘉靖二十四年重修今稱晴峪寺一在北
厯西莊至縣十里元至正四年建明嘉靖二十七

年重修今俗稱歷西寺一在井兒峪東至縣二十
五里元至正十年建明嘉靖二十年重修今稱井
兒峪寺

靈泉山龍王廟

三河縣志靈泉在縣東北二十里山下有龍王廟

龍泉庵

三河縣志一在中務莊一在王新莊

勝泉寺

三河縣志在擲山頭

龍王廟

遵化州志龍王廟十一烏龍泉一

每歲春秋仲月上丁日致祭

南關一小河一五里橋一挑源一鐵廠一小寨口

一馬蘭關一紀各莊一鹿角河一上谷一

龍王廟

豐潤縣志一在西關一在北關

河伯廟

玉田縣志在東關知縣嚴宗募建

龍王廟

玉田縣志在東關外

龍池庵

玉山縣志在城東五里

府君廟

玉田縣志在暖泉河

龍王廟

香河縣志一在縣治西一在東門外

龍王堂

寶坻縣志在縣西門外每遇久不雨輒往禱

慮臺聖母廟

寶坻縣志距縣治一百六十里元平州路廉訪

使趙鑄重修慮臺興寶聖母廟記暨漁陽東南三百里有蘆臺焉而海背山左踞曠野右跨大河男
薪女汲聚土而煮之成鹺而後已舟車水陸運之

日獲萬緡以輸公府歲次庚辰國朝設十路徵收
所選前學士陳公秀玉爲舉首充燕山路長前大
學士趙德輝副之明年辟鑄行提關防鹽使司一
日沿水而西見有廟巍然榜曰聖母詢諸由來一
老父能道之昔五代時南北各據限以疆界幽燕
之地鹽絕者歲餘百姓病之忽有姥語人曰此地
可煮成鹽遂教以煮之法俄失所在人神之聖母
之號寔自此始鑄因禱之黎明有告者曰臺南十

里暖日如春雪者數十頃其厚寸餘近而視之則
鹽也盡驅土人挾管收之乃作瑞鹽歌以頌之後
二載粘合公來長鹽政謁聖母祠廟貌一新焉屬
鑄書之刻於石丁未年二月望日也

謹案場今割屬寧河前碑丁未年立蓋蒙古定宗
二年時未建年號也又有元翰林直學士高鳴碑
記云歲在戊辰則世祖至元五年也

水利

元豐潤寶坻市田

元史地理志薊州豐潤至元二年省入玉田四年
以路當衝要復置二十二年立豐潤署領屯田八
百三十七頃 兵志世祖至元十六年金大都屬
邑編氓三百戶立屯於大都之寶坻縣爲田四百
五十頃

明京東水利

畿輔安瀾志

甬時行賜閑堂雜記京東諸州縣地多卑窪沮洳
彌望或云可開水田如河南耕耨法歲收自倍而
徐尚寶貞明特主其說具在潞水客譚余深是之
乃請旨卜近京郡縣酌量修舉以尚寶兼憲職董
其事尚寶從河間經始築堤捍水乃之薊州招南
兵之習農者使畫地耕作仍給之餉一時農兵大
集墾田以億計畝收一鍾撫臣及司道方次第開
報而北入官京師者倡言水田既成則必倣江南

起稅是嫁禍也乃從中撓之御史王之棟疏請罷役而中官在上左右者有北人爭言水利不便上意動宣余及同官於皇極門內面諭以水田當罷余退而上疏極陳利便而上意竟不可回並切責尙寶以爲擾民而初議盡格矣徐貞明西北水利議當今經國訐謨其大且急孰有過於西北水利者乎諸州邑泉從地湧一決而通水與田平一引而至比比皆然姑摘其土膏腴而曠棄卽可修

舉以肇其端者自西厯東如密雲之燕樂莊平谷縣之水峪寺及龍家務莊三河縣廣會莊順慶屯地皆其著者薊州城北則有黃厓營西則有白馬泉鎮國莊城東則有馬仙橋夾林河而下城南則有別山鋪夾陰流河而下至於陰流淀疏渠皆田也自西以東如豐潤縣南外大寨及刺榆坨史家河大王莊之地東則榛子鎮西則鴉鴻橋夾河五十餘里皆可田玉田縣清莊塢導河可田後湖莊

疏河可田三里莊及大泉小泉引泉可田至於瀕
海可田分自水道沽關黑崖子墩起至開平衛南
宋家營之地東西度之百餘里南北度之百八十
里皆隸豐潤其地與瀕海之沃區相等若如吳越
人田而耕之則利十倍若虞文靖公之議東極遼
海西濱青徐皆可田之地今豐潤實其中境欲舉
其議而行之茲非其允當致力者乎

謹案明神宗時徐尙寶貞明倡建西北水利主之

者申文定公時行也後以中官多有占田而北人
又憚於耕作御史王之棟真定人也首發難端見
范河徐幾得罪賴文定公力救而止徐猶惜其無
成乃著潞水客談以貽後者我

本朝雍正四年

世宗憲皇帝命怡賢親王興修京東及西南水利畧倣其意
行之果有成效明史列傳備書其事而又取潞水
客談之文載於河渠志於此見公論之不可泯而

利之有待而興也

本朝京東局營田

畿輔通志京東輔郡負山控海負山則泉深而土
澤控海則潮淤而壤沃明臣徐尚寶貞明詳哉其
言之矣雍正四年春怡賢親王奉

命查修水利徧歷諸邑陟巘降原尋泉覘土以貞明之言爲
信而有徵奏請委員營治爲農民倡畝收三四石
不等五年遂開局經理并及京西京南天津等處

畫界分督次第開種而肇端試可則自京東始

平谷縣營田

畿輔通志龍家務水峪寺等處營引田洵河及山泉之水仍洩水於本河明臣徐貞明厯指京東州邑龍家務水峪寺爲著今按其所指委員相度置閘疏渠果成膏壤而相近之東高村稻地莊亦有泉次第營治以收其利雍正五年正東龍家務東北水峪寺等處營治稻田五頃三十五畝農民自

營稻田共七十六畝五分九年改旱田三頃五十畝

玉田縣營田

畿輔通志袁家莊馬營曲河頭羅畢窩等處營田引小泉暖泉孟家泉黃家山泉藍水等河之水仍洩於本河按邑境北面負山湧泉成河明臣徐貞明謂後湖莊䟽湖可田小泉山引泉可田而潞潦泥塗久爲棄壤今委員築圍濬淤多建閘座以裨

節宜田成一萬八千餘畝俱歲獲豐收雍正四年
縣治東北袁家莊西南曲河頭等處營治稻田共
七十六頃五十三畝農民自營稻田共三頃五十
五畝五年縣治東南韓家莊西南邢家樓等處營
治稻田共三十九頃五十畝農民自營稻田九十
八畝六年縣治西南曲河頭等處營治稻田共五
十八頃四十五畝農民自營稻田共二頃五畝九
年改旱田四頃十一年縣治東南羅畢窩等處營

治稻田共一百三頃十三畝九分

豐潤縣營田

畿輔通志橫沽王蘭莊刁家窩曹家泊蘆水莊車
馬舖望林泊梁家灣胡家泊等處營田引陡河泥
河黑龍潭楊家井等泉之水仍洩水於本河按豐
潤徐貞明指爲土膏腴而人曠棄可修舉以肇其
端者今委員築圩開渠閘蓄洞引次第就理咸歲
獲豐稔雍正四年治正西高麗舖盧各莊等處營

治稻田共一十六頃二十五畝一分五年縣治西
南曹家泊等處營治稻田共一十八頃二畝二分
農民自營稻田共五十五頃二十八畝七年縣治
正南王蘭莊刁家窩等處營治稻田共二十七頃
八十一畝農民自營稻田共四十頃二十九畝九
年改旱田十一頃五十四畝十年縣治正南王蘭
莊車道鋪望林泊老潭等處營治稻田共一百一
十九頃七十八畝又王蘭莊菱角泊王家淀等處

營田副使光祿寺卿王鈞建閘築圍營治稻田共
五十頃十一年縣治正南梁家灣胡家泊等處營
治稻田共一百七頃六十七畝九分四釐

薊州營田

畿輔通志山岡莊鄭各莊馬伸橋等處營田引大
小海子等泉之水洩水於淋河案淋河納州北各
山泉水至白龍港會洶河爲激流河源遠流長可
資灌溉故後魏裴延儁修漁陽堰前明徐貞明指

鎮國莊水利亦可概見今先自州城東西附近沮
洳之壤疏導山泉置閘開渠田成已五千餘畝由
此而南漸次營治利尤數倍雍正五年州治正東
大屯莊三家店正西山岡莊等處營治稻田共二
十頃六十四畝五分農民自營稻田共二十九頃
四十二畝六年州治正東三家店丁家莊正西夏
各莊等處營治稻田共四頃五十四畝七分農民
自營稻田共一頃九十四畝八分九年改旱田十

三頃四十一畝

寶坻縣營田

今分隸
寧河縣

畿輔通志八門城尹家園下汪各莊等處營田引
勸運河水仍洩水於本河按明臣袁黃爲寶坻令
開疏沽道引耳潮流於壺蘆窩等村教民種稻刊
書一卷詳言插蒔之法蓋潮水性溫發苗最沃一
日再至不失晷刻雖少雨之歲灌漑自饒浙閩所
謂潮田也今委員疏濬舊渠建置閘洞汲引澆灌

濱河洩鹵漸成膏腴但水須車戽而升北農以挽
漑爲苦改爲蔬圃者六七現存者十之三耳五年
縣治東南尹家圈八門城等處營治稻田共二十
五頃五十三畝九分五釐五毫農民自營稻田共
三十四頃二十八畝七分九釐三毫七年縣治東
南下王各莊營治稻田共四十四頃七十九畝四
釐農民自營稻田七頃五十八畝七分四釐九年
改旱田四十六頃五十三畝四分 寶坻縣志明

臣袁黃刊勸農書一卷惜舊本多殘缺今採其尤
切要者皆鑿鑿可行不獨營田宜之卽通境治田
之法亦庶幾畧備焉 圍田築土圍之環而不斷
隨地形勢四面各爲大岸其中又爲小岸岸下有
溝以洩水也外水護則內皆稼地矣 塗田瀕海
之地潮水往來淤泥常積鹹草叢焉挑溝築岸樹
立椿掘抵潮汛也其田形中央高兩旁下約四十
餘丈卽爲小溝百數丈卽爲中溝依次加展以注

雨潦謂之甜水溝曰甜水取其能制鹹也初種水
稗斥鹵盡乃種稻沙田沙淤之田也民間率視
爲棄地不知正江淮間所謂腴田也近水故潤衆
枯澤而不燥四圍宜種蘆葦內則普爲塍岸可種
稻秫等或中貫湖溝或旁繞大港旱則旣澇則洩
較勝他地焉水柵排水障水也若溪岸稍深田
在高處於中作柵遏水使之旁出下溉田所甘制
當流列植樹椿椿上枕以伏牛擗以粒木仍疊塊

石衆槌斜出以邀水勢 水閘開閉水門也間有
地形高下水路不均則跨津築壩以滙之前立斗
門甃石爲壁疊木作障以備啓閉如遇旱則撒水
灌田爲益實多 水塘卽洿池因地形坳下用蓄
水潦周禮所謂以瀦蓄水者也或修築圳堰以備
灌溉田畝兼可蓄魚鼈栽蓮芡凡陸地平田別無
溪澗井泉以溉者救旱非塘不可其大則爲陂塘
能別地形亦效此制利莫大焉 翻車江南所常

用也或曰漢畢嵐始造之或曰魏馬鈞作其制壓欄有木列檻有椿車身用板作槽短一丈長倍之皆酌岸之高下濶自四寸至尺許高約一尺槽內架行道板一條隨槽濶狹視槽板首尾俱減尺置大小輪軸同行道板上下通周以龍骨板葉其在上大軸兩端各拐木四莖置岸上木架間憑架踏木則龍骨板隨轉循環行道板刮水上岸凡臨水地皆宜用之若岸高則車與車相接或兩或三掘

小池倒水而上之車亦有水轉者其制畧同但於
水岸邊掘狹塹置車於內軸外端作豎輪一輪旁
架木立軸置臥輪二輪有上下之分上輪適與車
頭豎輪輻支相間乃擗水旁激下輪旣轉則上輪
隨撥豎輪而翻車盤旋水汨汨乎倒上矣此臥輪
制也若作立軸則別置水激立輪輪輻之末承小
輪焉輻頭稍濶以撥車頭之豎輪此立輪法也當
各視其水勢隨宜用之車更有牛轉者則於無流

水處用之其車如水轉臥輪之制特去下輪置諸車旁岸上用牛曳輪則翻車隨轉比人踏功將倍之筒車流水筒輪也輪大小視岸高下酌之使輪高於岸筒貯於槽自上流排石倉斜擗水勢急湊筒輪其輪就軸作轂軸之兩旁皮於椿柱山口內輪軸間受水板外又作木圈縛繞輪上繫筒於輪之一周有竹者有木者水激轉輪衆筒兜水次第下傾於岸上所橫之大槽其名曰天池連筒

以竹一也凡所居去水泉頗遠不便汲乃取大竹內通其節令本末相續連延不斷閣之平地或架越澗谷引水而至又能激而高之飛數尺注池沼架槽水槽也間有聚落去水旣遠各家同力造木爲槽遞相嵌接不限高下引水而至如泉源頗高水性趨下引之特易在窪處則常戽水上槽亦可遠達遇高阜阻礙或穿之或鑿之遇拘險則置义木駕空而過其在平地引渠水相接左右可

移每村公製日用交濟何利如之 戽斗挹水器
唐韻云戽抒也凡水岸稍下不容置牛常旱時用
戽斗繫以雙繩兩人掣之抒水上岸以溉田稼或
柳筭或木罌從所便焉

寧河縣營田

畿輔通志東窩莊南窩莊岳旂莊江漢口林家莊
張家莊齊家沽田家莊等處暨本城營田引蘄運
河潮水仍洩水於本河按寧河縣本寶坻縣屬梁

城所舊治敗置也蒟運河自北來至此分流環繞
縣治復滙爲一涯廣流深潮汐最盛沽道頗多民
間引戽以灌畦蔬因其地形濬渠置閘用極水利
沿河數十村俱成稻田而蘆臺一帶民利魚鹽不
以沾塗自給多改爲旱田近縣營田存者尚有二
十七莊皆獲豐稔焉雍正五年縣治西關東關暨
東窩莊南窩莊岳旂莊江漢口崔成莊齊家沽等
處共營治稻田三十三頃四十五畝農民自營稻

田四十九頃八十一畝五分三釐七年本城及蘆臺等處農民自營稻田共二十頃三十九畝九分六釐九年改旱田三十七頃一十畝七分四釐

謹案以上皆京東局營田尚有遷安縣見陡河灤州見灤河武清見永定河七里海見大通河不重

載

畿輔安瀾志

陡河沙河一卷

原委

附載

橋渡

祠廟

水利

畿輔安瀾志

臣王履泰恭纂

陡河沙河一卷

原委

陡河古封大水也其上源出遷安縣西南館山曰館水南流逕乾河草莊

漢書地理志遼西郡海陽封大水南入海 〔水經〕注新河自支渠東出合封大水謂之交流合水出

新安縣西南流逕安平縣故城西地理志遼西之屬縣也 方輿紀要館水出遼安縣西南三十里之館山入遼州界 畿輔通志陡河其上源曰館水出館山在灤州西北七十五里其泉爲龐牛河源 永平府志城山西大嶺一名館山其泉爲龐牛河源館水出縣西南三十里之館山由灤州入豐潤陡河

謹案諸志館山龐牛河並列似是二水考龐牛河

卽館水也河在遷安縣境長二十里濶三丈河流
下山牯牛橋又得牯牛之一名龐牛牯牛音之訛
蓋館水流爲龐牛河又流爲陡河也一統志以龐
牛河爲龍鮮水則與館水分爲二矣龍鮮水自別
爲一源辨見下

入灤州境經羅家嶺梯子嶺下

一統志城山在遷安縣西少南五十里接灤州界
山西爲羅家嶺嶺在灤州西北九十里 畿輔通

志陡河南經羅家嶺小龍角二灣又經梯子嶺

又南流逕福泉山東偏山西又南流出牯牛橋下爲
牯牛河則有福泉山之龍灣河與白雲山西麓之官
渠河合流注之

灤水館水卽牯牛河發源逕安縣館山南經偏山
又西南經黃花港入牯牛橋河西經雙橋入於陡
河
畿輔通志陡河至偏山臨水院又合黃花港
入牯牛橋爲牯牛河又西南至榛子鎮東南會龍

灣河龍灣河在灤州西北九十里發源羅家嶺南
三里經皂角灣梯子嶺亦名黃崖河至榛子嶺東
五里橋合暖泉入牯牛橋河 二統志偏山在灤
州西北九十里土厚居蕃多榛栗梨棗之利將臺
在灤州西八十五里下有黃崖河 永平府志羅
家嶺南三里爲天渠有槽有甕有盆注於槽入於
甕滴於盆槽有南北午前南午後北其陽下曰阜
筍灣西南山下爲小龍灣黃崖河源自榛子嶺東

五里橋合陳官營暖泉而東並紅頂寺會於牯牛

河

謹案灤志暖泉在州城西九十里
發源陳官營東南入於東五里橋

謹案福泉山水在灤州西北自山南逕王家店汛

又西逕牯牛橋東至五里橋入陡河卽龍灣河也

據永平府志似發源羅家嶺者龍灣河而黃崖河

來合之名曰小龍灣灤志同今通志祇是一河而

異名當以府志灤志爲是又官渠河其說不一詳

見下

又南流則有唐家河水自西來注之

樂志唐家河在榛子鎮西發源狼窩鋪畦下東流
逕冷家灣又東南逕紅頂寺會牯牛河

謹案此河俗名鴨子河出樂州西北亂石山雙泉
俱導東南流逕烟墩汛繞榛子鎮西下入陡河卽
唐家河也

又西南流逕雙橋則有豐潤縣板橋河水白寺溝水
自西北來入之

畿輔通志 陡河至州西八十里之雙橋會板橋水
卽豐潤縣之泉水河也泉水河源出縣東北水頭
山有泉二泓噴之如珠南流逕王官營達於板橋
有灤州之圍山瀑布泉自松梁社來滙爲板橋河
又南逕峰山入陡河 二統志圍山在灤州西八
十里上有飛泉四五會流下入泉河 豐潤縣志
念經峪在縣東北四十五里或云卽水頭山山西
有泉出叢石間是爲泉水河源板橋河又名軍昌

河泉水河入之 永平府志圍山上有瀑布四五
會流入於泉河圍山西南爲大風山其巔有洞內
鐵梯三折而入百步水如河流深六尺潛通陡河
風波不停淵黑莫測雙橋河在州西八十里會豐
潤板橋水自松梁社圍山瀑布入泉河又三十五
里源出任家莊爲白寺口雙溝入之南經峯山入
陡河 灤志白寺口河在州城西一百二十里發
源松梁社任家莊南流入於陡河

謹案泉水河卽板橋河又名軍長河

卽軍昌河

源出豐

潤縣東北念經峪西南流逕上水路王官營牛欄

山汛折東南流出板橋下卽以橋得名又東南流

逕國士營鐵城坎入灤州西境油各莊併各莊至

西草橋入陡河白寺口河據通志所叙水道卽圍

山瀑布水之入板橋河者據府志則似另爲一水

與板橋河之下流合而入陡河者也

又西南流逕鳳凰山麓又西南逕陡河莊出境

永平府志白雲東爲鳳凰山鳳凰北爲佛座山佛座西爲大崖山

入豐潤縣東南境之劉官屯折西流復入州境之代家莊而南流入豐潤縣境又南流入州境之曲家莊又南流逕李各莊逕東南流逕缸窖莊又東南流逕龍王廟又東南流逕張各莊又東南流逕唐山東出唐山橋下爲大河

畿輔通志陡河又南經唐山橋名大河 二統志

唐山在豐潤縣東南四十里石可煨灰以給陶冶
永平府志賈家山西爲唐山孤高秀麗上有姜
將軍廟有暖泉數十唐山南十里爲長春坨楊家
坨大夫坨大河繞之唐山西三十里爲西沙坨
又東流逕尖山西又東流逕月河莊則有石溜河帥
家河之水自東北來入之爲官渠河

畿輔通志陡河又南逕石城西爲石溜河又南逕
唐山橋爲大河又南與帥家河合爲官渠河自石

城以南灤州與豐潤縣分界

謹案石溜河古龍鮮水也

漢書地理志遼西郡海陽龍鮮水入封大水

水經注封大水又源出灤州西白雲山曰帥家河

也帥家河源出州西六十里白雲山南之水峪白

雲山在灤州西七十里一統志官渠河源出灤

州西白雲山之水峪曰帥家河永平府志圍山

東爲白雲山一名自來峯其嶺有大湫嶺其南爲

水峪豐潤縣志官渠河源發灤州白雲山白雲嶺在縣東北四十里今其上源已

惟出自山南十里古冶名獅子灣有月河之水東

來入之水經注所謂二源也

永經注龍鮮水出縣西北世謂之馬頭山

二源俱導南合一川東流注大水畿輔通志子濟仕灤州西七十里淳洞觀碧東南流爲石

河深志古治在州西六十里謹案州南舊又有千金治漢書地理志北平郡夕陽有鐵官唐書

地理志平州北平郡馬城古海陽城也開元二十八年置以通水遶東北有千金治名勝志治在灤

州南二十里卽西南流逕開平城東畿輔通志官漢夕陽鐵官也集河西南逕

孩兒屯官套至石城東方輿紀要石城故城在灤州南八十里明開平中屯徭置於此卽遼舊縣

治二統志官渠河西南流逕開平城東石城生灤州西南永平府志石城東五里爲帥家河蓋

石城西爲又西東流曰小河畿輔通志官渠河又石城河爲小河永平

府志石城東五里爲帥家河又東十里至套里莊爲獅子灣南逕韞家莊汪聘莊又西南合金溝馬家港康家莊經大夫又西南流與陡河合曰官渠

河

水經注龍鮮水東流注大水地理志曰龍鮮水入封大水者也

畿輔通志帥家河又西南與

陡河合而爲官渠河

謹案此河源流多紊各傳

亦不一據畿輔通志永平府志樂志石溜河帥家

河並列通志敘次陡河所經石溜河在帥家河前

府志叙次陡河所經則帥家河在石溜河前石城

東爲帥家河石城西爲石溜河樂志則石溜別爲

帥家又先石溜而後帥家通志樂志皆以帥家河

合陡河爲官渠故通志直以官渠爲陡河帥家于

下流則是陡河帥家河異源而官渠爲陡河承之

但以官渠河源帥家河爲出於白雲山之水峪

則偏於一矣據樂志雙橋河在州城西八十五里

一自松梁社泉河頭西南經峯山下入陡河
豐潤縣板橋河東南入陡河經石城西又南經唐
山橋名大河又南經王聘莊名小河與帥家河
入官渠石溜河在州城西六十里發源永峪西
經孩兒屯官套至城東五里是爲帥家河至急
莊獅子灣南經康家莊聶家莊王聘莊名小河西
南經金溝馬家港大夫垞入官渠西南經豐潤縣
胥官莊入於海今尋圖有小水出白雲山西麓土
名薄落角山其水西流五六里卽入陡河而下入
雙橋又下合石溜河所謂官渠河者也此一稱也
石溜河在白雲山南十里地名古冶與月河合西
南流逕石城西爲石溜河近時指此爲陡河石溜
河又別爲帥家河者是也又西南流入陡河其長
五十里一統志以此爲官渠河此又一稱也畿輔
通志以官渠爲陡河帥家河之下流永平府志以
石溜入官渠其文似兩相印証然通志又云南經

石城西爲石榴河一統志因之則合二河爲一且云又南經豐潤縣東南界又南復經州界入海考帥家河於州西南卽入陡河並不關入豐潤縣境又入州境以達海其由豐潤入海乃陡河合帥家河之水終當以陡河爲幹流而豐潤縣志乃云西市流逕縣境板橋河與陡河合則仍是白雲山西麓之小河而非其正流也此水今尙通流不過上源少斷按蹟求之其水道固尙可考也幾輔通志引水經注龍鮮水出縣西北馬頭山之文云新安平故城在今灤州西龍鮮水出其西北卽今館水封大水經其西南或卽是陡河之下流所謂官渠者也一統志以龍鮮爲陡河以封大爲官渠河然陡河源於館水封大卽爲陡河而龍鮮水來入於封大則龍鮮水非卽館水亦非卽陡河也龍鮮水是石榴別爲帥家河合於陡河卽封大河爲官渠河則是官渠河乃下流之總名以此卽証漢志及

水經注文乃無不合至永平府志以撫寧縣之洋河爲龍鮮水界嶺河爲封大水本之郭造卿更誤

又案陡河近逕陡河莊去石城稍遠在石城

者帥家河也故一統志以開平城

卽遼之石城縣

係之帥

家河下且亦不當襍入石榴河之文也一統志又

云今輿圖陡河自豐潤縣南入海不合官渠河與

舊志不同未審所謂方輿紀要以爲至豐潤縣合

庚水亦非

折西南流逕侯家店又西南流逕邊家莊又西南流

逕上稻地南下稻地北又東流逕望馬臺自陡河莊以下西與豐潤分水至此始全入豐潤縣境

謹案河自偏山入縣境白石城以下與豐潤犬牙相錯流至望馬臺屈曲長一百四十里

西南流逕崔谷莊至二甲口分爲二一支南流入大泊歸海

豐潤縣志陡河至二甲口分正南一支入大泊達於海大泊在縣南一百一十里東自二甲口起西

南至關沽橋寬約四十餘里

一支西南流逕宣各莊又西南流逕洪家店又西南
流逕石橋沽又西南流逕橫沽則有王家河龍堂灣
汊河之水穿油葫蘆泊

一名三角

自北來入之

畿輔通志王家河在灤州西一百二十里源出曹
家口社南經鄭家莊至豐潤胥家莊漫入白場達
於海 永平府志王家河在灤州七十里經鄭家
莊水灣寺將軍坨至豐潤胥家莊漫入白場總達

建河入於海 豐潤縣志王家河源出灤州新城
子至蠻子垞入縣境會板橋河歸油葫蘆泊龍灣
河在縣南五十里源出龍灣莊會沙河歸油葫蘆
泊油葫蘆泊在縣南八十里寬約六七里係營田
三角淀中央汊河在縣南五十里源出汊河莊歸
油葫蘆泊

謹案王家河出灤州西境西流入豐潤係子莊折
南流入葫蘆泊不與板橋河通縣志誤龍灣河卽

韓城鎮河源出車軸山流經鎮北

方輿紀要韓城鎮在縣南五十

里源出車軸山經鎮北又西流十里入漫泊下會還鄉河許亢宗奉使行程錄鎮有居民可二

百家無城

豐潤縣志車軸山在縣南

二十里韓城鎮河在縣南五十里今涸

南流逕韓

城下故名韓城河入油葫蘆泊卽紀要所謂漫泊

是也下入陡河不與還鄉河通方輿紀要畿輔通

志及縣志皆以爲入還鄉河或昔本通相灌注而

今則否也

折南流逕黑蘭莊又南流出欄沽橋下倍河之水東

入之又南流逕姜家莊又南流逕車道沽又南流逕畢家圈是名澗河一名建河入於海

豐潤縣志倍河至欄沽橋入官渠河陡河至石橋沽油葫蘆會王家河諸水入之西南一支歸欄沽橋達於海一一統志澗河營在豐潤縣南海濱有把總駐守屬玉田營永平府志總達建河入於海

謹案河自望馬臺至洵河營下流歸海長九十里

沙河古緩靈水也源出遷安縣西尖山之赤嶺

漢書地理志遼西郡海陽緩靈水南入海

謹案經注作

緩靈水漢志或刻作緩虛水

水經注新河又東出海陽縣與

緩靈水會水出新平縣東北世謂之大龍山地理

志緩靈水與封大水皆南入海 畿輔通志緩靈

水或云灤州沙河 方輿紀要沙河在遷安縣西

北四十里源出尖山山在遷安縣西北五十里羣

峯攢列頂有石砦環以二泉其南有赤嶺有泉出

焉亦曰赤崖泉卽沙河之源也 永平府志遷安
縣境內出者曰沙河在縣西北四十里源出赤嶺
赤崖寺自黃臺渡西北三十里貫頭之陰平南社
爲妙峯北陰有唐大雲寺有山高十丈周五里俗
呼羊欄山其前爲橫山右爲尖山在縣西北五十
里其下寺曰龍崖又曰赤崖泉突山而南爲沙河
東流五里逕楊家店北南流五里逕松亭
石嶺之石河合流而經貫頭山之陽

一作有松亭

方輿紀要尖山又南爲血石嶺石河出焉經縣西
三十里入於沙河貫頭山縣西三十五里三峯
巒如珠巉巖蒼翠其西曰平頂山 畿輔統志沙
河東流至松谷莊合沙河 二統志松汀山在遷
安縣西南三十里壁立沙河中上坐有三洞 永
平府志橫山前爲血石嶺石色如之有泉清冽冬
草青花白經嚴栗不槁爲石河之源二河會流不
入灤 遷安縣志石河距城三十里源出血石嶺

至劉全莊合沙河過七家嶺至院頭與王家河合
至灤州西門四十里海子崖莊長灣入海

謹案此河今湮廢

又南流十五里逕安山口又南流十五里逕沙河驛
又南流三十里逕石佛口其西爲宜安社

遷安縣志沙河東流院頭歷安山口由沙河驛至
新莊與潮河合方輿紀要沙河又南滙山谿
水經沙河驛入灤州界沙河驛在遷安縣南十五

里 畿輔通志遷安縣七家嶺驛在縣南四十里
沙河舊在縣西南七十里七家嶺後移置於此

謹案永平府志龍泉山南爲嵐山又南爲羊角雙
山沙河經之澣有石磯曰釣臺至野雞坨與盧龍
鞭山界乃灤之陰沙之陽也又云自黃臺渡灤而
爲五里山高十餘丈有石高廣三丈就石爲壁鑿
佛其上爲佛兒峪山石佛口應以此得名灤志云
沙河發源遷安縣西南草東子屯南流入宜安社

迤邐而南至北柳河社達於海據永平府志蓋卽大小水泊所經水道也

又南流十五里出境入灤州界又南流百餘里逕豐潤縣東南境入於大小水泊以達於海

方輿紀要沙河在灤州西南九十里自遷安縣流入界至此播爲大水泊又西爲小水泊又西入豐

潤縣界 畿輔通志大水泊在灤州西南七十

源出土山任郎莊流經赤埃社曰漢王渠

謹案灤志在州

城西南多蒲草鳬鷺南播爲小水泊又經孫家溝

謹案漢志在州城西

南二十里下永登屯合沙河永平府志石河

沙河經沙河驛至灤州海子崖莊長灣入之大水

泊小水泊入之經柳林莊自宜安社迤邐而南至

北柳河社經豐潤越支社界轉東南達於海凡沙

河所經民患之昔之通漕者因爲沙壅而廢矣

謹案沙河下尾昔由清以通於灤爲永平府山海

關運道所經其後爲流沙淤塞人力不可施今遂

廢棄方輿紀要明成化十七年管糧郎中鄭廉請
自豐潤還鄉河通漕永平說者謂由庚水還鄉河
東導陡河抵沙河通陷河而及清灤卽運道所經
庚水非灤河所通沙河淤爛溢涸不時所以隨行
隨止是也畿輔通志京東諸水不於天津歸海故
自別爲一局其經流之大者莫如灤餘若石河湯
河泮河潮河清水河陡河皆獨行赴海蓋沙河
山新河以通於灤今魏武所開之新河故道已湮

而河自獨行入海矣

附載

勝水寺井

永平府志遷安縣岳野山有勝水寺古井一新井

一

神惠井

畿輔通志在豐潤縣南韓城鎮一里許居民畊田
得古碑井汲其水有藥氣病者禱飲之輒愈

黃花港

晉書卷之九
灤志在州西北八十里

唐王港

灤志在州城西南一百里

運河

灤志在州城西南唐山之陽濶七畝

橋渡

牯牛橋在灤州城西八十里長四丈寬一丈六尺

東五里橋在榛子鎮東半里節水出其下斃石長三丈五尺寬一丈五尺

西五里橋在榛子鎮西一里唐家河流入焉斃石長三丈七尺寬一丈五尺

雙橋在灤州西八十里

謹案東草橋爲陡河之所經西草橋爲板橋河之

所漚世謂之雙橋

大海橋在灤州西南九十里

蔡家橋在灤州西八十里

馬家橋在灤州西八十五里

二橋皆陡河所經

古冶橋在灤州西六十里明萬厯三十六年建

石牛橋在灤州西六十五里

木橋在上下稻地間

以上三橋皆石溜河所經

唐山橋在灤州西少南一百二十里

板橋

畿輔通志在豐潤縣東二十里 豐潤縣志板橋

至東路常家莊倉十一里倉去縣二十里

陡河橋在豐潤縣南九十里石橋沽

石橋在豐潤縣石橋莊

王蘭莊橋在豐潤縣南一百里

欄沽橋在豐潤縣南一百一十里

石橋以下三橋在陡河之下尾爲官渠河衆水之

匯流

祠廟

靈泉寺

永平府志貫頭山腰有靈泉寺

水利

大泊

雍正四年怡賢親王京東水利奏畧大泊廣八里
長方十餘里若於東南穿河導入陡河以達於海
而泊內可畊之田多矣陡河卽館水源自灤州之
館山東流繞縣境而南旁河村莊曰上稍地下稍
地南曰官渠蓋昔年圩田種稻之處溝塍遺址尚
有存者宜各莊以下至今稻田數百頃村農以此

冬至饒裕若推而廣之沿河堅築隄防多設閘閘
以時蓄洩經理一循舊迹不勞區畫而兩岸良戶
不可數計至板橋狼窩舖等處東連榛子鎮一帶
流泉大概入灤州境矣

王家河龍堂灣汊河

豐潤縣志豐邑之水利河防東則陡河匯其總西
則還鄉河扼其要縣境北據重山每於伏秋之際
積雨未歇怒流已至激矢建瓴悉歸并於二大渠

有不啻岸崩隄衝突田廬者哉雍正四年於劉欽
莊王木匠莊等處開直河一道與舊河兩處分洩
是還鄉河之中權已大分其勢而由薊運河以出
海口則寧河寶坻之事豐玉不得而與焉者也操
豐邑之全利納衆流而節宣之則陡河基重矣縣
南一帶平疇萬頃度阡越陌宛在中央惟泥河黑
龍潭王家河龍堂灣汊河灌溉而滋潤之可

黑龍潭旣入於還鄉河王家河龍堂灣汊河復自

陡河入治陡河者欲爲王家河諸流地也治王家河諸流然後可爲營州濬之使深壅之使平

所備澇有所歸此治王家河諸流之大畧也挑積而去扼塞因隄防而嚴啓閉上可以承衆水而成翁受之功下可以走大泊而適歸海之性此治陡河之大畧也

謹案明徐貞明曰遷安西南平安城及沙河舖湧泉湖韭菜溝上素河下素河皆利於畊市處也平

安城在縣西南五十里周五里此前人之遺跡行之已有成效惜乎爲忌口所中而不克成功也